



Broj: 01-02-1871/21-1
Ilidža, 29.04.2021. godine

Na osnovu člana 70. stav (3) Statuta Općine Ilidža – Prečišćeni tekst („Službene novine Kantona Sarajevo“, broj 33/10, 18/16), Općinsko vijeće Ilidža na 3. redovnoj sjednici održanoj dana 29.04.2021. godine donijelo je

O D L U K U O RASPISIVANJU IZBORA ZA ČLANOVE SAVJETA MJESNIH ZAJEDNICA OPĆINE ILIDŽA

Član 1. (Raspisivanje izbora)

Raspisuju se izbori za članove Savjeta mjesnih zajednica u svim mjesnim zajednicama na području Općine Ilidža.

Član 2. (Datum održavanja izbora)

Izbori iz člana 1. ove Odluke, održat će se dana **06.06. 2021. godine (NEDJELJA)** u vremenu od 08:00 – 18:00 sati.

Član 3. (Načela i postupak za provođenje izbora)

Izbori za članove Savjeta mjesnih zajednica Općine Ilidža provest će se u skladu sa osnovnim načelima i principima za provođenje izbora utvrđenim Izbornim zakonom Bosne i Hercegovine, a po postupku utvrđenim Statutom Općine Ilidža, Pravilima mjesnih zajednica, ovom Odlukom i važećim naredbama kriznih štabova u uslovima epidemije uzrokovane virusom COVID -19.

Član 4. (Broja članova Savjeta mjesnih zajednica)

U Savjet mjesne zajednice bira se onoliko članova Savjeta koliko je utvrđeno Pravilima mjesnih zajednica za svaku mjesnu zajednicu pojedinačno, s tim da broj članova ne može biti manji od pet (5) ni veći od devet (9).

Član 5. (Mandat članova Savjeta mjesnih zajednica)

Mandat članova Savjeta mjesnih zajednica je četiri godine i teče od dana donošenja Odluke Općinskog vijeća o potvrđivanju rezultata provedenih izbora za članove Savjeta mjesnih zajednica.



Član 6.

(Biračko pravo i glasanje putem mobilnog tima i posebnog mobilnog tima COVID-19)

- (1) Članove Savjeta mjesnih zajednica biraju građani koji su upisani u Centralni birački spisak i imaju prebivalište na području mjesne zajednice.
- (2) Članove Savjeta mjesnih zajednica biraju građani iz stava (1) ovog člana neposrednim i tajnim glasanjem.
- (3) Građani iz stava (1) ovog člana koji su zbog starosti, bolesti i invalidnosti vezani za svoje domove, a žele izaći na izbore da glasaju za članove Savjeta mjesnih zajednica biće im omogućeno da glasaju putem mobilnog tima.
- (4) Zadužuju se sekretari mjesnih zajednica, da na osnovu evidencije o građanima koji su bolesni, stari ili imaju određeni procenat invalidnosti sačine spiskove takvih građana svoje mjesne zajednice i iste dostave do 07.05.2021. godine, Općinskoj izbornoj komisiji Iliđža kako bi građanima bilo omogućeno da glasaju za članove Savjeta mjesnih zajednica putem mobilnog tima.
- (5) Građani iz stava (1) ovog člana koji su pozitivni na COVID-19 ili kojima je određena izolacija, a žele izaći na izbore da glasaju za članove Savjeta mjesnih zajednica biće im omogućeno da glasaju putem posebnog mobilnog tima COVID-19.
- (6) Da bi ostvarili biračko pravo, građani iz stava (5) ovog člana dužni su da najkasnije u roku od 72 sata prije održavanja izbora lično na e-mail adresu mjesne zajednice ili putem drugog lica dostave svojeručno potpisan zahtjev za glasanje putem posebnog mobilnog tima COVID-19, sa medicinskim nalazom koji potvrđuje da je pozitivan na COVID-19 ili akt nadležnog organa kojim mu je određena izolacija.
- (7) Građani iz stava (5) ovog člana kojem je dijagnosticirano oboljenje COVID-19 ili im je određena izolacija nakon isteka roka od 72 sata prije dana izbora, a žele izaći na izbore da glasaju za članove Savjeta mjesnih zajednica biće im omogućeno da zahtjev za glasanje iz stava (6) ovog člana dostave na dan prije održavanja izbora (05.06.2021. godine-subota) na način i po postupku iz stava (6) ovog člana.
- (8) Sekretari mjesnih zajednica dužni su zahtjeve za glasanje iz stava (6) i (7) ovog člana dostaviti Općinskoj izbornoj komisiji Iliđža.

Član 7.

(Liste kandidata za članove Savjeta mjesnih zajednica)

- (1) Kandidate za članove Savjeta mjesnih zajednica mogu predlagati građani koji imaju prebivalište na području te mjesne zajednice putem e-mail adresa mjesnih zajednica ili kancelarije mjesne zajednice na propisanom obrascu, a broj predloženih kandidata može biti maksimalno onoliko koliko se bira po utvrđenim teritorijalnim cjelinama svake mjesne zajednice.
- (2) Predloženi kandidati moraju biti u evidenciji biračkog spiska u mjesnoj zajednici za koju su predloženi.
- (3) Prilikom predlaganja kandidata za članove Savjeta mjesnih zajednica mora se voditi računa o ravnomjernoj zastupljenosti svakog naselja na području mjesne zajednice prema utvrđenim teritorijalnim cjelinama, kao i da prijedlozi kandidata odražavaju nacionalnu strukturu stanovništva mjesne zajednice, broj mladih, te da spolovi budu ravnopravno zastupljeni.
- (4) Rok za predlaganje kandidata je od 30.04.-07.05.2021. godine.
- (5) Lista kandidata se formira po redoslijedu pristiglih prijedloga po utvrđenim teritorijalnim cjelinama po mjesnim zajednicama.
- (6) Predloženi kandidati za članove Savjeta mjesnih zajednica obavezni su u kancelariji mjesne zajednice potpisati Izjavu o prihvatanju kandidature za člana Savjeta mjesne zajednice najkasnije do 14.05.2021.godine.
- (7) Poslije utvrđenog roka za potpisivanje izjava o prihvatanju kandidature za člana Savjeta mjesne zajednice sačinat će lista kandidata po utvrđenim teritorijalnim cjelinama za svaku mjesnu zajednicu pojedinačno i biće objavljena na WEB stranici Općine Iliđža, facebook stranicama mjesnih zajednica i oglasnim tablama mjesnih zajednica.



Član 8.
(Izborna komisija)

- (1) Savjet mjesne zajednice imenuje izbornu komisiju koja ima predsjednika i dva člana i njihove zamjenike, koji imaju prebivalište na području te mjesne zajednice.
- (2) U izornoj komisiji ne mogu biti kandidati koji se biraju za članove Savjeta mjesnih zajednica.
- (3) Izborna komisija obavlja sve poslove oko pripreme i provođenja izbora za članove Savjeta mjesnih zajednica (imenuje birački odbor, određuje glasačko mjesto, priprema izborni materijal, utvrđuje rezultate izbora, podnosi Stručnoj službi za koordinaciju rada mjesnih zajednica Izvještaj o rezultatima provedenih izbora za članove Savjeta mjesnih zajednica, te izdaje uvjerenja kandidatima o izboru za člana Savjeta mjesne zajednice nakon što Općinsko vijeće donese odluku o potvrđivanju rezultata provedenih izbora za članove Savjeta mjesnih zajednica).
- (4) Izborna komisija je dužna održati prvi sastanak najkasnije pet dana od dana imenovanja.

Član 9.
(Birački odbori)

- (1) Izborna komisija iz člana 8. stav (3) ove odluke imenuje birački odbor koji ima predsjednika, zamjenika predsjednika i tri člana, koji imaju prebivalište na području te mjesne zajednice.
- (2) U biračkom odboru ne mogu biti kandidati koji se biraju za članove Savjeta mjesne zajednice.
- (3) Birački odbor obavlja sve potrebne poslove na dan održavanja izbora u mjesnim zajednicama (otvara biračko mjesto, provjerava da li je birač upisan u birački spisak, uručuje glasački listić, te osigurava da se postupak izbora provede na demokratskim principima).

Član 10.
(Mobilni tim)

- (1) Općinska izborna komisija imenuje mobilne timove, čiji broj će se odrediti u zavisnosti od broja građana koji glasaju putem mobilnog tima.
- (2) Mobilni tim ima predsjednika i dva člana, i u mobilni timu ne mogu biti kandidati koji se biraju za članove Savjeta mjesne zajednice, koji imaju prebivalište na području te mjesne zajednice.
- (3) Glasanje putem mobilnog tima vršit će se u skladu sa principima utvrđenim Izbornim zakonom Bosne i Hercegovine i važećim podzakonskim aktima Centralne izborne komisije Bosne i Hercegovine.

Član 11.
(Poseban mobilni tim - COVID-19)

- (1) Općinska izborna komisija imenuje poseban mobilni tim-COVID-19.
- (2) Poseban mobilni tim-COVID -19 ima predsjednika i dva člana, i u posebnom mobilnom timu-COVID-19 ne mogu biti kandidati koji se biraju za članove Savjeta mjesne zajednice, koji imaju prebivalište na području te mjesne zajednice.
- (3) Glasanje putem posebnog mobilnog tima-COVID-19 vršit će se u skladu sa principima utvrđenim Izbornim zakonom Bosne i Hercegovine i važećim podzakonskim aktima Centralne izborne komisije Bosne i Hercegovine.
- (4) Nakon glasanja putem posebnog mobilnog tima COVID-19, isti će izvršiti brojanje glasačkih listića i sačiniti izvještaj za svaku mjesnu zajednicu pojedinačno i rezultate glasanja dostaviti izornoj komisiji mjesne zajednice.



Član 12.
(Učestvovanje u radu zamjenika članova izborne komisije)

Zamjenici članova izborne komisije učestvuju u radu izborne komisije, samo ako je član izborne komisije spriječen da dođe na biračko mjesto na dan održavanja izbora ili ako mora iz opravdanih razloga napustiti biračko mjesto u toku rada na dan održavanja izbora.

Član 13.
(Visina naknade za rad izborne komisije, biračkog odbora i mobilnih timova)

- (1) Predsjednicima i članovima izborne komisije, predsjednicima i članovima biračkih odbora i predsjednicima i članovima mobilnih timova, (kao i njihovim zamjenicima, ako su učestvovali u radu za izbore članova Savjeta mjesnih zajednica imaju pravo na naknadu za svoj rad.
- (2) Naknada za rad predsjednicima izbornih komisija, biračkih odbora i mobilnih timova utvrđuje se u iznosu od 80,00 KM, a za članove izbornih komisija, biračkih odbora i mobilnih timova i njihove zamjenike, ukoliko su isti bili angažovani u iznosu od 60,00 KM.

Član 14.
(Centralno izborno tijelo)

- (1) Centralno izborno tijelo za provođenje izbora za članove Savjeta mjesnih zajednica (u daljem tekstu: Centralno izborno tijelo) je tijelo koje je dužno da nadzire, kontroliše, pomogne, koordinira i pruži svu stručnu pomoć u provođenju izbora za članove Savjeta mjesnih zajednica Općine Ilidža
- (2) Centralno izborno tijelo je dužno da putem Općinske izborne komisije Ilidža obezbjedi Izvod iz centralnog biračkog spiska za svaku mjesnu zajednicu na području Općine Ilidža, izvrše verifikaciju kandidatskih lista za svaku mjesnu zajednicu na području Općine Ilidža, te na osnovu dostavljenih prijedloga Općinske izborne komisije imenuje i raspoređi koordinate i njihove zamjenike za svaku mjesnu zajednicu, koji će pružiti stručnu pomoć izbornim komisijama i biračkim odborima u mjesnim zajednicama i pratiti regularnost izbornog procesa.
- (3) U Centralno izborno tijelo imenuju se :
Čorbo Enes-predsjednik
Milidrag Vanja-član
Čolak Elhimana-član

Član 15.
(Općinska izborna komisija)

- (1) U skladu sa Izbornim zakonom BiH, Općinska izborna komisija Ilidža će od Centralne izborne komisije BiH obezbjediti Izvod iz Centralnog biračkog spiska za svaku mjesnu zajednicu na području Općine Ilidža zaključno sa 31.05.2021.godine.
- (2) Općinska izborna komisija Ilidža je dužna Centralnom izbornom tijelu najkasnije do 21.05.2021.godine dostaviti spisak koordinatora za provođenje izbora koji posjeduje u svojoj bazi.
- (3) Općinska izborna komisija Ilidža će izvršiti obuku članova Izborne komisije i Biračkih odbora.

Član 16.
(Služba za obrazovanje, kulturu, sport i informisanje)

Zadužuje se Služba za obrazovanje, kulturu, sport i informisanje da u saradnji sa Stručnom službom za koordinaciju rada mjesnih zajednica obavi sve potrebne poslove obavještanja građana Općine Ilidža o održavanju izbora za članove Savjeta mjesnih zajednica, kao i da u toku izbora priprema informacije i iste prezentuje javnosti.



Član 17.
(Služba za civilnu zaštitu i Služba za zajedničke poslove)

Zadužuju se Služba za civilnu zaštitu i Služba za zajedničke poslove da u saradnji sa Stručnom službom za koordinaciju rada mjesnih zajednica obezbjede sve potrebne uslove i poduzmu mjere zdravstvene zaštite kako bi se izbori za članove Savjeta mjesnih zajednica održali u skladu sa važećim naredbama i smjernicama kriznih štabova u uslovima epidemije izazvane virusom COVID-19.

Član 18.
(Stručna služba za koordinaciju rada mjesnih zajednica)

Zadužuje se Stručna služba za koordinaciju rada mjesnih zajednica da pruži svu administrativno-tehničku pomoć oko provođenja izbora za članove Savjeta mjesnih zajednica, kao i da na osnovu izvještaja izbornih komisija o rezultatima provedenih izbora Općinskom vijeću izradi i dostavi na usvajanje prijedlog Odluke o potvrđivanju rezultata provedenih izbora za članove Savjeta mjesnih zajednica.

Član 19.
(Obrasci i Preporuka za provođenje izbora)

Sastavni dio ove Odluke su Obrasci za predlaganje kandidata za svaku mjesnu zajednicu pojedinačno i pisana preporuka za provođenje izbora za članove Savjeta mjesnih zajednica.

Član 20.
(Objavljivanje)

Ova Odluka objavit će se u "Službenim novinama Kantona Sarajevo", web stranici Općine Ilidža, facebook stranicama mjesnih zajednica i na oglasnim pločama u svim mjesnim zajednicama na području Općine Ilidža.

PREDSJEDAVALA
Tarık Stambolić, magistar poslovnog prava



DOSTAVLJENO:

1. Općinski načelnik
2. Stručna služba za koordinaciju rada MZ-a
3. Savjetima MZ-a putem Stručne službe za koordinaciju rada MZ-a
- ④ Centralno izborno tijelo--a putem Stručne službe za koordinaciju rada MZ-a
5. Općinska izborna komisija Ilidža
6. Služba za obrazovanje, kulturu, sport i informisanje
7. Služba za zajedničke poslove
8. Služba za opću upravu
9. Služba za finansije
10. Služba civilne zaštite
11. Za objavu "SNKS"
14. Evidencija
15. a/a

P R E P O R U K A

za provođenje izbora za članove savjeta mjesnih zajednica

I

Izbore za članove Savjeta mjesnih zajednica sprovest će izborne komisije mjesnih zajednica koje imenuje Savjet mjesne zajednice.

Izborne komisije imaju predsjednika i dva člana i ista ima svoje zamjenike.

Članovi izborne komisije ne mogu biti kandidati za članove Savjeta mjesne zajednice.

II

Centralno izborno tijelo će vršiti nadzor, kontrolu, koordinaciju i pružanje stručne pomoći u provođenju izbora za članove Savjeta mjesnih zajednica Općine Ilidža.

III

Za pripremu i održavanje izbora potrebno je obezbjediti:

1. Birači spisak

U Centralni birački spisak upisani su građani koji imaju biračko pravo i koji imaju prebivalište na području mjesne zajednice.

Broj birača upisanih u Centralni birački spisak unosi se u zapisnik i izvještaj o provođenju izbora. Nakon završenog glasanja u zapisnik i izvještaj o provođenju izbora se unosi i broj lica koja su glasala po tom spisku.

Na osnovu broja glasača koji su izašli na izbore utvrđuju se rezultati izbora za Savjet mjesne zajednice.

2. Određivanje biračkih mjesta

Za određeno biračko mjesto mora se naznačiti objekat i adresa u kojem se biračko mjesto nalazi, te isto pripremiti prema instrukcijama o postupanju organa za provođenje izbora na izborni dan u uslovima epidemije COVID - 19 koje je donijela Centralna izborna komisija BiH.

3. Imenovanje biračkih odbora

Izborne komisije mjesnih zajednica imenuju biračke odbore koji imaju predsjednika, zamjenika predsjednika i tri člana.

Članovi biračkog odbora ne mogu biti kandidati za članove Savjeta mjesne zajednice.

4. Imenovanje mobilnih timova

Općinska izborna komisija imenuje mobilne timove koji imaju predsjednika i dva člana. Članovi mobilnih timova ne mogu biti kandidati za članove Savjeta mjesne zajednice.

5. Imenovanje posebnog mobilnog tima - COVID-19

Općinska izborna komisija imenuje poseban mobilni tim COVID-19 koji ima predsjednika i dva člana. Članovi posebnog mobilnog tima COVID-19 ne mogu biti kandidati za članove Savjeta mjesne zajednice. Poseban mobilni tim COVID-19 će izvršiti brojanje glasačkih listića po mjesnim zajednicama sačiniti izvještaj i isti dostaviti izbornim komisijama mjesnih zajednicama.

6. Izrada glasačkih listića



Na glasačkom listiću kandidati za članove Savjeta mjesnih zajednica redaju se po redosljedu pristiglih prijedloga po utvrđenim teritorijalnim cjelinama.

Na glasačkom listiću piše napomena koliko se ukupno članova Savjeta mjesne zajednice bira i koliko se bira iz pojedinog naselja, odnosno dijelova naselja, kao i to da se glasanje vrši zaokruživanjem rednog broja ispred imena kandidata.

Izborna komisija mjesne zajednice, određuje broj glasačkih listića i isti dostavlja Stručnoj službi za koordinaciju rada mjesnih zajednica koja vrši štampanje i ovjeru glasačkih listića pečatom Stručne službe za koordinaciju rada mjesnih zajednica prečnika 30mm.

7. Obavješćavanje o danu izbora

Birači u mjesnim zajednicama o danu izbora obavjestit će se putem web stranice Općine Ilidža, facebook stranice mjesne zajednice i putem oglasnih tabli mjesne zajednice.

Obavijest treba da sadrži naznaku o datumu i vremenu održavanja izbora, naznaku biračkog mjesta i adresu biračkog mjesta i listu kandidata po utvrđenim teritorijalnim cjelinama za svaku mjesnu zajednicu.

Zadužuje se Služba za obrazovanje, kulturu, sport i informisanje da u saradnji sa Stručnom službom za koordinaciju rada mjesnih zajednica obavi sve potrebne poslove obavješćavanja građana Općine Ilidža o održavanju izbora za članove Savjeta mjesnih zajednica, kao i da u toku izbora priprema informacije i iste prezentuje javnosti.

8. Glasačke kutije

Svako biračko mjesto ima jednu glasačku kutiju, a po potrebi i više.

9. Zapisnik o radu biračkog odbora

Zapisnik o radu biračkog odbora sačinije birački odbor.

10. Izvještaj o utvrđivanju rezultata izbora

Izvještaj o utvrđivanju rezultata izbora sačinije izborna komisija mjesne zajednice.

11. Preuzimanje biračkog materijala

Centralno izborno tijelo će dan prije izbora zapisnički predati glasački materijal izbornim komisijama mjesnih zajednica.

Izborna komisija mjesne zajednice će dan prije glasanja predati materijal biračkom odboru i to:

- Birački spisak
- Glasačke listiće
- Kutiju za glasanje
- Paravani
- Obrazac-zapisnik o radu biračkog odbora
- Obrazac-izvještaj o utvrđivanju rezultata izbora,
- Papiri, olovke, selotep i drugo
- Dezinfekciona sredstva i zaštitna oprema – COVID-19

12. Rad izborne komisije i biračkog odbora na dan glasanja

Izborna komisija mjesne zajednice i birački odbor su dužni doći na glasačko mjesto u 07,30 sati pripremiti glasačko mjesto za održavanje izbora, izvršiti provjeru da li je kutija prazna, istu zapečatiti i poduzeti sve radnje kako bi se glasačko mjesto otvorilo na vrijeme.

Biračko mjesto se otvara tačno u 08,00 sati.

Birački odbor provjerava da li je glasač upisan u birački spisak, te se uručuje glasački listić i upoznaje sa načinom glasanja.



Svaki glasač mora imati identifikacioni dokument prilikom glasanja kako je utvrđeno Izbornim zakonom BiH (lična karta, pasoš ili vozačka dozvola)

Izborna komisija mjesne zajednice i birački odbor moraju obezbjediti tajnost glasanja.

13. Utvrđivanje rezultata glasanja

Utvrđivanje rezultata glasanja se obavlja u prisustvu svih članova izborne komisije mjesne zajednice i koordinatora.

Nakon što birački odbor otvori glasačku kutiju, prvo se prebroji ukupan broj glasačkih listića.

Potom se odvajaju nevažeći listići, a kao nevažeći listić se smatra:

- ako je dopisano ime novog kandidata,
- ako je zaokruženo više kandidata od broja koji se bira,
- ako je glasački listić predcrtan, prekrizhen, prazan i sl.

Zatim birački odbor utvrđuje koliko je koji kandidat dobio glasova, odnosno koji kandidat je izabran. Izabran je onaj kandidat koji je dobio najviše glasova glasača koji su glasali za tu teritorijalnu cjelinu.

Ako dva kandidata iz istog naselja (teritorijalne cjeline) dobiju isti broj glasova izabran je onaj kandidat koji je prvi na listi po redosljedu kandidata.

Nakon utvrđivanja rezultata glasanja, birački odbor sačinjava zapisnik o rezultatima glasanja i isti sa izbornim materijalom dostavlja izornoj komisiji mjesne zajednice.

Izborna komisija mjesne zajednice na osnovu dostavljenog zapisnika biračkog odbora sačinjava izvještaj o provedenim izborima koji sa propisno zapakovanim glasačkim materijalom dostavlja Centralnom izbornom tijelu.

14. Obuka izbornih komisija mjesnih zajednica, biračkih odbora, mobilnih timova i posebnog mobilnog tima – COVID-19 i potrebno iskustvo za provođenje izbora

Prije održavanja izbora Općinska izborna komisija će organizovati obuku izbornih komisija, biračkih odbora, mobilnih timova i posebnog mobilnog tima COVID - 19.

Preporučuje se Savjetima mjesnih zajednica da u izborne komisije mjesnih zajednica i biračke odbore imenuju lica sa iskustvom u provođenju izbora.

15. Saradnja sa centralnim izbornim tijelom

Izborne komisije mjesnih zajednica i birački odbori će na dan izbora sarađivati sa Centralnim izbornim tijelom koje je imenovalo Općinsko vijeće Ilidža, a sve u cilju nadzora, kontrole, koordinacije, pružanja stručne pomoći i praćenja regularnosti u provođenju izbora za članove savjeta mjesnih zajednica Općine Ilidža.

